



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

XXI. Markgraf Otto I. bestätigt dem Domcapitel zwei der Kirche im Dorfe Zachow gehörige von ihrem Lehnsbesitzer resignirte Hufen Landes, am 28. Dezember 1170.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

XX. Der (Bischof Wilmar) bestätigt dem Domcapitel die Kirche im Dorfe Zachow und einige Zehnten daselbst und in einigen andern Dörfern, am 28. Dezember 1170.

— Quomodo hoc nostrum est, religioni operam dare, scilicet ejus detrimenta restaurare, incrementa augere, sicut cathedralem ecclesiam beati Petri apostoli in Brandeburch, longo tempore dirutam et a paganis pene annullatam, deo auxiliante reedificavimus, ita eam omnibus modis, quantum divina prestat gratia, sublimare studemus. Ea propter canonicis ejusdem cathedralis ecclesie, juxta regulam beati Augustini deo servientibus, duas partes decimarum totius ville Chechowe, quam fidelis noster Evericus propter deum ad usum eorundem canonicorum nobis resignavit, nec non et ecclesiam Chechowe cum tertia parte decimarum ejusdem ville et omnium villarum ad eandem parochiam pertinentium, scilicet Parne, Werdere, Lodiz, curam quoque ejusdem ecclesie et quicquid in ea nostri juris est, prefatis canonicis perpetua stabilitate concessimus. Et ut hec nostri facti pagina inconcussa permaneat, eam nostri sigilli impressione munivimus. Si quis ergo hoc nostrum factum temere mutare presumpserit, anathema sit. Hujus rei testes sunt Otto, Brandenburgensis marchio, Juditha marchionissa, Otto et Hinricus, filii eorum, Wibertus, Brandenburgensis prepositus et archidiaconus, Reinerus de Liezeka, prepositus et archidiaconus, Badericus, castellanus de Brandeburch, Evericus, prefate ecclesie in Chechowe advocatus, Hermannus, frater ejus, Bodo de Gummere, Johannes de Plote, Gero, Gerbertus, Otto. Data in Brandenburg, anno dominice incarnationis M^o. C^o. LXX^o. V. Kal. Januarii, indict. III. in nomine domini Amen.

Nach der Copie im alten Copialbuche.

Anm. Nach der Indiction gehört die Urkunde, wie die folgende, in das Jahr 1170, während das Datum V. Kal. Jan. 1170 auch die Deutung auf den 28. Dec. 1169 zulassen würde.

XXI. Markgraf Otto I. bestätigt dem Domcapitel zwei der Kirche im Dorfe Zachow gehörige von ihrem Lehnsbesitzer resignirte Hufen Landes, am 28. Dezember 1170.

— Ego Otto, dei gratia Brandenburgensis marchio, pro salute anime mee et parentum meorum rogatu amici nostri Wilmari, Brandenburgensis episcopi, et Everici, qui eos in beneficio habuit et ad hoc resignavit, ego, inquam, duos mansos in villa Cechowe, ecclesie ejusdem ville pertinentes, nec non et quicquid in eadem ecclesia nostri juris est, canonicis in ecclesia beati Petri in sede pontificali in Brandenburg, juxta regulam beati Augustini deo ministrantibus, perpetua stabilitate contradidi. Et ut hoc nostrum donum inconcussum maneat, presenti pagina, nostri sigilli impressione munita, illud confirmavi. Hujus rei testes sunt Wilmarus, Brandenburgensis episcopus, Juditha marchionissa, Otto et Heinrichus, filii ejus, Wibertus, Brandenburgensis prepositus et archidiaconus, Rheinerus de Lizeke prepositus et archidiaconus, Badericus, castellanus in Brandenburg, Evericus, prefate ecclesie in Cechowe advocatus, Hermannus, frater ejus, Bodo de Gummere, Johannes de Plote, Gero, Gerbertus,

Otto. Data in Brandenburg, anno dominice incarnationis M^o. C^o. LXX^o. quinto Kal. Januarii, indictione III. in nomine domini Amen.

Nach dem Originale. — Abdruck bei Gerden, Stiftsch. S. 359.

XXII. Der Bischof Siegfried bestätigt dem Domcapitel alle Besitzungen und Rechte, die es bis daher erworben, 1173.

— Sifridus, divina favente clementia Brandenburgensis ecclesiae episcopus, aeterna retributione confusus, cathedralem nostram jam dictam ecclesiam, diversis temptationibus diu molestatam, ad dei et beati Petri, apostolorum principis, honorem secundum praedecessoris nostri piae memoriae Wilmari episcopi ceptam devotionem quibuscunque modis valui sublimare, dilatare atque defendere summo opere invigilavi. Quicquid igitur dignitatis et beneficentiae tam in archidiaconatu et libera electione pontificis quam in aliis praerogativis cathedralibus canonicis concedendis supradictus praedecessor noster praefatae ecclesiae canonicis, secundum regulam beati Augustini sub norma Praemonstratensis ordinis illic deo militaturis, concessit et competenti testimonio stabilivit, hoc totum nostra nichilominus attestatione ratum fore et inconvulsum permanere constituimus. Ipsam ergo beati Godehardi in Parduwin ecclesiam, ex qua eos predictus presul summa deliberatione principum in castrum Brandenburg, scilicet in sedem episcopalem transposuit et curam animarum commisit, illam, ut diximus, et beati Nikolai ecclesiam et si quae aliae in ejusdem civitatis parochia in posterum fuerint aedificatae ecclesiae, omnes illas cum tertia parte decimarum de villis ad eam pertinentibus, nec non et ecclesiam beatae Mariae in monte Harlungenberg cum tertia parte decimarum ex adjacentibus vineis, sicut prenotatus antistes, Ottone marchione annuente et sui juris donum praefatis canonicis perpetualiter concedente, in praebendas eorundem condonaverat, ita quoque nos omnimode communire operam dedimus. Preterea has illas: Bukowe, Garceliz, Bultiz, Kie, Mufeliz, Gorne cum decimis et appenditiis earum, cultis et incultis, campestribus, silvestribus et palustribus cunctisque utilitatibus, has, inquam, villas cum duobus lacubus inter Gorne et Sylowe sitis, sicut iam sepredictus episcopus in usus eorundem canonicorum contradiderat et coram publica synodo Brandenburgensi sed et Magdeburgensi archypraesule Wygmanno cooperante, confirmaverat, sic nos quoque auctoritate beati Petri et nostra perhenniter eis stabilivimus, insuper et villas alias, a praedicto Ottone marchione et filiis ejus Ottone et Heinrico praenotate ecclesiae collatas, scilicet Mukrowe, Tremene, Ture cum decimis et omnibus attinentiis earum, campestribus, silvestribus, cultis et incultis, cunctisque utilitatibus, ecclesiam quoque in Ture cum tertia parte decimarum de villis ad eam pertinentibus, scilicet de Izin, Crelinge, Bauerftorp, et si quae aliae villae ibi fuerint, centum quoque mansos in Zuche sitos, quos praedictus Otto princeps pro anima patris et matris et uxoris suae Judithae marchionissae, filiis eorum consentientibus cum omnibus attinentiis optulit; quinque quoque modios majoris mensurae falis annuatim persolvendos, duos quoque mansos in Rodensloue ab eisdem oblatos, aliam quoque villam, Dambe dictam, a Rodolfo de Jerichowe in opus ejusdem ecclesiae Ottoni marchioni resignatam et ab eo et filiis ejus cum omnibus attinentiis ejus, silvestribus et palustribus cunctisque utilitatibus, cultis et incultis, ecclesiae oblatam, sed et ejus decimas a domino Wilmaro episcopo in usus fratrum concessas, molendinum quoque in Clinke, sex etiam